

EPISTOLA
ANATOMICA, PROBLEMATICA
NONA.

Auctore

ANDREA OTTOMARO GOELICKE,

Med: D.

Ad Virum Clarissimum

FREDERICUM RUYSCHIIUM,

Med. Doct. Anatomie ac Botanices Professore.

DE

Curfu arteriarum per Piam matrem cerebrum involven-
tem, de tertia cerebri meninge, de arteriis membra-
narum cavitates ossis frontis supra narium radices & eas
sub sella equina investientium, nec non de vasis arte-
riosi novis Hepatis & Diaphragmatis.



AMSTELÆDAMI,
Apud JANSONIO-WAESBERGIOS, 1724.

Vir Celeberrime !



Nisi ingenuum tuum candorem, servidumque scientiarum Medicarum in dies novo inventorum apparatu augendarum desiderium satis superque perspectum haberem, vix ausus fuisset incomptas hasce ad Te dare literas; Fecit autem amicum illud commercium literarium, quo antehac jam alios beasti, imo invitavit me quadantenus singularis amicitia ac favor, quem Vir Clarissimus, *D. Grætz*, amicus meus æstumatissimus non semel mihi deprædicavit, quinimo exosculatus est: Ut adeo hinc certissima spe fruar, Te pro congenita tua humanitate & meæ in scribendo importunitati veniam daturum, & justæ simul curiositati, qua circa problemata quædam Anatomica non minimi momenti teneor, satisfacturum. Epistola enim, inquit *Cicero*, non erubescit; Quippe cujus beneficio in sinum alterius licet effundere liberius, quicquid alias ingenuus vetaret pudor.

In Cranio nostro, Vir Celeberrime, cerebrum cum ejus appendice cerebello, reconditum esse, medullamque oblongatam per totum spinæ dorsæ tractum protensam, lippis jam atque tonsoribus notum. Substantiam ejus partim corticalem, partim medullarem esse, teste *Malpighio*, jam observarunt suo tempore *Piccolominius*, *Lindenius*, *Baubin*, & post ipsos Anatomici, quod sciam, omnes. Meninges denique Cerebri, duram æque ac piam, communia ipsius involucra esse, nec tantummodo exteriorem ejus peripheriam circumcingere, sed in intricatissimos ac tantum non labyrintheos gyros, anfractus atque fulcos sese insinuare, magna etiam industria in *Anatome Cerebri* indagavit *Willisius*; Quibus & nuper ultimam veluti manum adhibuit solers tua dexteritas, quando in Responsione ad Epistolam Problematicam Septimæ Viri Expertissimi *D. Grætz* piam matrem Cerebellum investientem in Fig. I. unumque ex processibus ipsius falciformibus cum mirabili valorum reptatu in Fig. II. accuratissime delineasti.

Istud igitur solummodo anxium me tenuit quid de reptatu Arteriarum Piæ Matris Cerebrum & Spinalem medullam invellentis, quem *D. Bidloo* expressit Tab. VIII. Fig. V. ut & Tab. X. Fig. 1.

sentirem, cum illum longe alium in nitidissimis Musei tui præparatis viderim, quidque judicarem de tertia Cerebri membrana, duræ & piæ intermedia, de qua in Tablis suis Anatomicis idem agit *D. Bidloo*, essetne illa chimærica, an vero realiter ibidem existens, quemadmodum historiæ Anatomicæ eadem aliis obtigisse fata, testantur. Prius persuadere mihi non licuit de Viro in re Anatomica usque adeo celebri, quique de sua in secandis cadaveribus humanis felicitate & dexteritate tantam spargit gloriam, præprimis cum illam in publicis Demonstrationibus nuper flatu à Te exhibitam, ipso etiam præsentente *Profess. Bidloo*, viderim, & *D. Bobnius* Professor Medicinæ Lipsiensis primam inventionis laudem ipsi haud obscure assignare videatur in *Circulo Anatom. Progymnas. xxi. p. 333.* ubi hunc in modum loquitur: *Primus, quantum ego quidem novi, Bidloo in Anatome sua corporis humani mentionem fecit tertiæ cujusdam membranae, duræ ac piæ intermediae, quam in nupera pariter sectione publica cadaveris virilis, non tertia à morte hora, ut Anatomico huic contigit, sed decimo quinto die spectatoribus meis videndam præparavi.* Quicquid tamen horum sit, dolenda nihilominus factus hujus Anatomici fors, eo quod parentem usque adeo infelicem agnoscat, quippe qui meretricio prorsus amore eundem in naturali suo squalore dereliquit, nec aquâ abluvit, aut sale fricuit, ut sic nitidiori formâ prodiret in orbem, oculisque aliorum placeret. Cultum itaque atque favorem omnium ingenuorum Philiatorum promereberis, si accuratori iconismo vasa Piæ Matris cerebrum & medullam spinalem involventis, ut & Membranam hancce arachnoiden ejusque continuationem depinxeris; cujus itidem progeniei sit membrana, invellens cavitates supranarium radices in osse frontis, necnon illius, cingentis cavitates sub sella equina, quæque mirificæ vasorum sanguineorum ibidem sint ramificationes.

Circa Hepatis structuram & usum nec non vasa illud perreptantia magna etiam ab omni tempore soverunt præjudicia Medici.

Adeo ut etiam primas huic visceri concedere & sanguificationis negotium illi demandare haud erubuerint, quamvis mox alii de solio suo illud deturbaverint, ejusque ineptitudinem ad nobilem ejusmodi provinciam sustinendam sole clarius demonstraverint; Donec tandem ingeniosissimus *Malpighius* fabricam ejus enucleatius indagasset, indeque verum ejus ulum ostendisset. Vasa sanguinea, per glandulosum ipsius parenchyma artificiose dispersa quod

quod attinet, ea communi Anatomicorum consensu in *Adducta* & *Abducentia* discescuntur. Prioris generis sunt Arteria Hepatica ex dextro Arteriæ Cœliacæ ramo oriunda, Vena portarum, quæ à quibuscumque munus Arteriis simile obire creditur, & Nervus hepaticus. Posterioris vero; Venæ Cavæ furculi, vasa lymphatica, ex singulis glandulosis acinis ortum capientia, & Pori bilarii. Atque hæc sunt, quæ in Institutionibus suis Anatomicis recitare solent Authores ad unum omnes. Neque enim ulli mirum videri debet, cum plurimi, si non omnes, ignorent genuinam methodum tam mysteriosam vasorum disseminationem investigandi. Tibi vero, Celeberrime Vir, cum hæc naturæ sacraria pateant, quippe qui totos dies in rimandis ejusmodi arcanis consumis, ac modum calles vascula subtilissima Capillaria, Microscopiis etiam vix observabilia ceracea quadam materia adimplendi, non sane video, quid candore tuo æquius aut dignius esse queat, quam ut hæc in parte curiosorum desideria implcas, atque si quæ nova habeas inventa circa vasa Hepatis sanguinea præter illa, quæ vulgo Anatomici recensere solent, eadem in magnum rei Medicæ emolumentum communicare ne graveris.

Non est autem, Vir Celeberrime, quod malevolorum invidiam & obrectatiunculas vel minimum moreris; Hi enim ubi æmulari non possunt, conantur saltem Zoilorum more aliorum de scientiis bene meritorum Virorum famam arroderere aliisque suspectam reddere, sicuti & in hac ipsa Academia miror Clariss. *Bidloo* in Lectionibus suis quæ publicis, quæ privatis in Te debacchari, Teque pro Anatomicorum miserrimo proclamare non erubescere. Sed scias quæso, Artem non habere osorem, nisi ignorantem, ac reprehendere multo facilius esse quam imitari. Hisce ergo meliorem opto mentem, ut convitiis suis tandem discant parcere, atque ita brevi ad meliorem redeant frugem. Tibi verò, ut interea tranquillo atque constanti sis animo, atque ea, quæ coepisti, solertia studiis tuis Anatomicis adhuc porro invigilare non delinas, foveo.

Multa equidem adhuc alia forent, Vir Celeberrime, de quibus à Te edoceri cuperem; imprimis quæ concernunt Diaphragma ejusque Vasa sanguinea; Et an non justæ suspicioni locus esse queat præter Arterias jamdum ab aliis descriptas, alias adhuc esse, ad ipsum Diaphragma tendentes, de quibus ne somniarunt quidem in hunc usque diem Anatomici. Sed vereor, partim ne limites atque cancellos Epistolæ transiliam, partim etiam ne humanitate

tua nimium abuti videar. Quod denique superest, Deum O. M. imploro, ut non solummodo vegetum Tibi corpus ad Nestoreos usque annos fospitet & conseruet, sed & in mediis malevolorum calumniis mentem tuam dulci acquiescentia ac tranquillitate perfundat in summum Artis nostræ decus atque emolumentum. Vale, Vir Celeberrime, meque favore tuo in posterum dignare, qui perpetuo futurus sum

Scripsi. à Museo meo
Lugdun. Batav. die
10. April. 1697.

Celeberrimi Nominis Tui

Observantissimus Cultor,

ANDREAS OTTOMAR GOELICKE,
Med. D.

FRE-

7

FREDERICI RUYSCHII
RESPONSIO,

Ad Virum Expertissimum

ANDREAM OTTOMARUM GOELICKE,

Med. D.

In Epistolam ejus Anatomicam, Problematicam

D E

Curſu Arteriarum per Piam Matrem cerebrum involventem, de
tertia Cerebri meninge, de Arteriis Membranarum cavitatis
Offis frontis ſupra narium radices & eas ſub ſella equina
inveſtientium, &c.

Experientiſſime Vir,



Ullà literæ Tuæ x. April. mihi traditæ indigebant
veniâ, vel prolixâ excuſatione; gratiſſimum quip-
pe mihi fuit, cognoscere ex Amicote Amicum, at-
que hinc occaſionem mihi ſuppeditatam, deſideriis
tuis curioſis ſatiſfaciendi. Dubito autem an in to-
tum illis ſatiſfacturus ſim, multis enim hic me dif-
ficultatibus intricatum proſiteor, præſertim circa delineationem
Membrana Arachnoidea, quam à me exiſtis: Adeo enim ſubtilis
exiſtit, totque in locis Piæ Matri ſubjectæ ejuſque Vaſis ſanguineis
nexibus fibroſis connata, ut nulla omninò arte ab eadem tota quan-
ta illibata ſeparari poſſit, præſertim illo in loco, ubi Cerebri he-
miſphærium utrumque parte ſuperiore ſub Dura Matre inveſtit:
Flatu quidem per tubulum adactò innumeris in locis elevatur, mox
autem denuò ſubſidet atque diſparet, unde quivis haud difficulter
concludere poteſt difficultatem imo impoſſibilitatem illam illiba-
tam delineandi: Circa Cerebellum autem, præſertim parte poſte-
riore, ut & Spinalem Medullam facillimè ſlatu recedit à cæteris
involucris, adeo ut ibidem accuratius depingi poſſit.

Hoc dicta *Membrana ſeu Tunica Arachnoidea* habet peculia-
re,

re, neque in Crassa, neque in Piâ Matre hæctenus à me observatum quod nimirum non solum sit membrana adeo subtilis, ut nulla detur in corpore subtilior, (quam ob causam primi quoque inventores, Cl. Viri *Blasius, Sladus, Quina, Swammerdam*, &c. qui consortium quoddam inter se fovebant A. 1665, & 1666. hanc membranam nomine *Arachnoideæ* condecorarunt.) Verùm etiam quod flatu à subiectâ Piâ Matre innumeris in locis disjunctâ, Membranam Cellulosam mentiatur (præsertim Cerebri membranis humore copioso obstitis) cùm tamen cellulosa neutiquam sit.

Verisimile quoque non est, pinguedinem, quam sub Durâ Matre nonnunquam reperi, & in Musæo meo reservatur, hospitari in dictâ *Tunicâ Arachnoideâ*, utpote Arteriolis rarissimis, si ullis, parte Cerebri superiore obsita; sed eandem solummodo in Piâ Matre hærare, puto.

Miraberis autem, Experientissime Vir, me statuere per dictam *Tunicam Arachnoideam*, quâ superiorem Cerebri partem involvit, rarissima, si ulla, disseminari vasa sanguinea; sed miror & ego summo pere, talia vasa nunquam in conspectum meum venisse, cùm tamen totius corporis vascula minutissima novo artificio nostro de tegere hæctenus potuerim. Fateor equidem mihi visa quandoque vasa quædam per eam, ubi Medullam spinalem invellit, dispersa, unde quidem quis conicere posset, eandem quoque, ubi Cerebri partem superiorem involvit, suis gaudere vasculis sanguineis, præsertim si cuipiam etiam lubeat Achilleum illud, quo ex partium nutritione vasorum sanguineorum præsentiam jam in Cathedris demonstrant, argumentum in subsidium vocare; Verùm enimvero aliud longe existimo esse, vasa quædam conjecturâ adstruere, aliud vero, eadem demonstrare, imo depingi curare, quemadmodum *Profess. Bidloo* fecit: sint enim sua quibusvis corporis humani partibus vasa sanguifera, illis tamen unum eundemque reptatum haud attribuet ille, qui fumo & fucò oculos suos obduci haud patitur. Idcirco suspiciones pro veris non vendam, neque vasa declinare affecto, quæ oculi mei nunquam tetigere, malo enim mancam aliquando descriptionem relinquere, quàm turpi fraude lectorem meum fallere. Commodum quidem esset, atque otiosis cerebris dignum & acceptum opus, si eruditi ejusmodi conjecturis seu verissimæ autopsiæ fidem facerent, sic enim dubia plurima, quæ circa nonnullas corporis partes anxios tenent accuratiores, brevi temporis spatio evanitura essent.

Ita

Ita circa Secundinam humanam conjecturis suis facillimè openderent vasa sanguinea ubique dispersa per Membranam Chorion, quod tamen veritati oculari nullatenus consentaneum est, cum solum distributa videantur per partem ejus mediam, non verò ulterius, ubi scilicet Placenta coheret, ibi quoque vasorum myriadibus superbit. Præterea haud difficulter etiam concederent vasa sanguinea ipsi Amnio subitrato, cum tamen Membrana Chorion tot vasis in sui medio dotata, ne minimùm quidem ramusculum illi impertiat, id quod non adeò mirum videri debet, quoniam duæ hæc Membranæ, Chorion & Amnion, sibi invicem leviter solum coherent; sed hæc in transitu dicta sint. Vasa sanguinea per Piam Matrem disseminata innumeris quidem in locis dictam *Tunicam Arachnoideam* perforant, nullam tamen inde eidem impertitam ramificationem observare unquam potui circa hemisphæria Cerebri anteriora; sæpius quidem imposuerunt mihi vasa illa sanguinea per Piam Matrem dispersa, quæ mentiebantur quoque decurrere per *Arachnoideam*, re autem penitus inspecta, errorem detexi.

Portionem hujus *Tunicæ Arachnoideæ* exiguam flatu elevatam exhibet Tab. 10. *Bidloo* autem portionem ingentem illibatam, & à capite dependentem repræsentat Tab. VIII. Fig. V. id quod impossibile esse reor, oleumque & operam perderent Anatomici, qui illud ad Authorem huncce imitari molirentur. Noli quoque credere, illam *Tunicam* adeò esse crassam, ac *Bidloiana Tabula* citata indigitat; subtiliorem enim, ut dixi, in toto corpore non reperio.

Alteram tuam petitionem quod spectat, Experientissime Vir, scilicet Asteriarum per Piam Matrem distributarum Iconem, lubens quidem Tibi largior, differentiam haud parvam reperiri inter illarum reptatum à me hic exhibitum, inque ipso capite pueri à pluribus jam annis nitidè conservato, à Te visum, & *Bidloi* figuram, quippe quæ vel leviter attendenti autopsiæ contraria manifestè apparet. Consideratione autem dignum est, uniuscujusque circumvolutionis Cerebri Arterias inosculari & uniri cum Arteriis proximè aditis, id quod *Bidloo* nimis parcè in sua delineatione expreflit. Præterea circa circumgyrationes Cerebri Pia Matre adhuc instructas notandum, eas neutiquam tam profundas conspici, quam Pia Matre ablata, ubi sulci & anfractus profundiores visuntur, unde quoque Cerebri superficies; rarò, si unquam, adeò inæqualis existit, ac quidem apparet in Fig. *Bidloi* 11. Tab. 5. mirari quoque cogor circumvolutiones adeò tenuis esse delineatas, nimirum Tab. ejus X. Fig. 1. quia

B

talem

talem earum faciem in homine sano nunquam offendi, quin potius deprehendo eas ad Cerebrum Infantis magis accedere, cum cætera, quæ Figura illa exprimit, cum adulti Cerebro conveniant; Ne dicam jam aliquid de imaginariâ & chimericâ delineatione Glandularum substantiæ Cerebri Corticalis in eadem Tabulâ exhibita per quas repentia vasa sanguinea nunquam oculis armatis, taceo, inermibus, visa repræsentat.

Quoad progeniem Membranae, Cavitates supra Narium radices in Osse frontis existentes, investientis, nullam deprehendere potui inter eam & Membranas Cerebrum involventes continuationem sensibilem, sed communicare illam solummodo comperio cum Membrana Ossa spongiosa Narium obducente per Foramina in fundo dictarum cavitatum exillentia. Est verò illa Membrana ferè ejusdem subtilitatis cum *Tunicâ Arachnoideâ*, vasaque per eam disseminata esse, primus orbi litterato intimavit *D. Vieussens*, eorum verum repertum haud adjecit, unde has Arterias peculiari artificio detectas delineassem, nisi loci defectus in hac Tab. X. illud prohibuisset.

Fungitur verò officio Perioestii interni à Durâ Matre diversa & aliena, & propter numerosa vasa sanguinea non sine ratione suspicari licet, non hunc solum ejus usum esse, sed eandem suis gaudere Glandulis insensibilibus, humorem limosum in cavitatibus illis non rarò repertum producentibus; à quâ opinione quoque haud alienus est *Clariss. D. Verheyen Profess. Anatom. Lovaniensis accuratiss. Anatom. Tract. V. Cap. 11. p. 218.* An 1. ut odor attractus in eadem diutius hæreat, & conservetur? 2. ut sanguis à mucoso humore purgetur?

Arteriarum distributionem quod attinet per sinus Ossis Sphænoidei Membranulam, quam valde tenuem quoque deprehendo, eam Tibi, Expertissime Vir, datâ occasione exhibiturus sum.

Arterias Hepaticas novas nonnullas mihi detexit Annus superior, deprehendique earum alias oriri à Vasis Diaphragmaticis, quæ scilicet ubi Diaphragmati prospexerint, ulterius descendunt, & per gibbosam Hepatis partem ulterius distribuuntur, communicantque cum Arteriâ Hepaticâ jam notâ. Plurimæ verò aliæ exiles oriuntur ab Arteriis per ligamentum Hepatis suspensorium utrumque disseminatis.

Quod Arterias Diaphragmaticas concernit, præter notissimas, Phrenicas dictas, novas duas ex Subclaviis cum Venis oriundas, detexit *Clariss. Verheyen Anatom. Tract. III. Cap. 111. p. 124. & varias.*

varias quoque exiles invenit à Lumbaribus aut adiposis prodeuntes; Quibus omnibus addere possem plures considerabiles Arterias ab inferioribus & interioribus intercostalibus oriundas. Arteriæ enim hæ intercostales inferiores, dispersæ per spatia intercostalia inferiora ulterius repunt per Diaphragma, & cum cæteris ejus Arteriis uniuntur, Præter hæc Diaphragma quoque adipiscitur non rarò Arterias exiguas à ramis Splenicis ortas, quas tamen ob temporis angustiam & spatii in hac Tabula defectum non delineavi.

Profess. Bialoi obtrectatiunculas in suis lectionibus publicis atque privatis contra me effutitas à longo quidem tempore intellexi, generoso tamen semper sprevi silentio, adhuc & flocci, nihilique facio. Debacchetur in me, prout in alios fecit, infra iram meam illa habeo; Muscæ enim pupugere Maronem. Dicat & clamet me esse Anatomicum miserrimum, nihil tamen inde addet suæ gloriæ, aut meæ detrahet famæ, quam factam tectamque mihi servarunt, servabuntque labores mei indefessi, & ingenua Candidorum judicia. Malo enim audire miserrimus Anatomicus, ut & subtilis Latio, quàm Leno Famosus.

De eo saltem securus atque lætus, quòd promissa mea rebus hæc tenus semper responderint, id quod Doctiorum quilibet testari potest, cum è contra alii Professionis honorem affectantes, aureos polliceantur montes, atque Nosocomia vix omnia studio eorum Anatomico sufficientia largitura esse Cadavera, jactitent, honore verò tandem consecuto, inani fuco fallant Studiosorum expectationem, atque vix intra Triennium unam spectionem, in Theatro Publico Anatomico moliantur; inque promissis turpiter delinquant. Hinc vale, & amare perge eum, qui toto pectore semper erit.

Experientissime Vir

R. Musæo Amstelod.
die 1 May 1697,

Tibi addictissimus.

FREDERICUS RUYSCHIUS;

TABULA HÆC DECIMA

Juvenis caput, per aliquot annos nitidè, & viventis instar, conservatum, representat.

Quanta sit differentia inter hancce Figuram, & illam à Bidloo in lucem editam, (quoad Arteriarum, per Piam Matrem excurrentium repartitum, atque copiam, nec non quoad representationem Sulcorum Cerebri, Pia Matre & Membrana Arachnoidea investitorum,) quivis lustrare poterit, idque haud solum in hac Figura, verum etiam in objecto ipso, ad cujus imitationem sculpsit hanc confecit Figuram; Quem in finem dictum objectum vivido colore præditum, ulterius conservaturus sum.

- A. Dictum caput indigitat.
- B. Tubulum inter Membranam Arachnoideam, & Piam Matrem insertum, ut flatu adactò à se invicem recederent.
- C. Portionem Membranæ Arachnoideæ à flatu elevatam.
- D. Minutissimas quasdam Vesículas à flatu in conspectum prodeuntes, ortumque ducentes non solum à flatu, verum etiam à latice aquoso inter dictam Membranam Arachnoideam, & Piam Matrem hospitante, repræsentat.
- E. E. Minutissimas portiones Membranæ Arachnoideæ à flatu simul elevatas, exhibent.
- F. Tabulæ Vitreæ Cranii portionem prominentem, & inter utrumque cerebri Hemisphærium sese infinuantem, demonstrat.
- H. Sulcum denotat inter utrumque Cerebri Hemisphærium, è quo Arteriæ plurius emergentes, modò dictis lateralibus Arteriis infinitis in locis per Anastomoses necuntur.
- I. Sulcos s. Anfractus Cerebri repræsentat, Pia Matre & Membrana Arachnoidea tectos, unde eorum profunditas oblitteratur; id quod in Bidloi Tab. 5. ut & Tab. 8. Fig. 5. haud observatum: in iis enim videntur sulci admodum profundi, & tanquam dictis tegminibus privi.



